



24. januar 2023

Inatsisartut ingerlatsinermut maleruagassaanni § 37 imm. 1 tunngavigalugu Naalackersuisunut ukuningga apeqquteqaateqarpunga:

Naalackersuisunut apeqquteqaatit:

1. **Angajoqqaajunissamut piginnaasanik misissuinissamut tunngatillugu, Naalackersuisut UKA2022/131-mi allannguutissatut siunnersuut akuerineqarsimanerata kingunerisaanik peqquneqarnermisut, Naalackersuisut Rigsmyndighed attavigisimanerlunikku?**
 - a. **Taamaappat qanga tamanna pisimava?**
 - i. **Saaffignissimaneq maannamut sunik kinguneqareerpa?**
2. **Soqutigisallit arlallit ilaatigut Mentor Immanuel UKA2022/131-mut allannguutissatut siunnersuut isornartorsiornikuuaat, siunnersuut piviusorsiunnginnera innersuullugu¹. Isornartorsiunermut tassunga Naalackersuisut qanoq isumaqarpat?**
 - a. **Kalaallit Illuini tarnip pissusaanik ilisimasallit aammalu isumaginninnermut tunngasunik ilinniarsimasut kalaaliusut atassuserneqarnissaat qulakkeerniarlugit Kalaallit illuinut aningaasanik amerlanerusunik immikkoortitsinissamut Naalackersuisut pilersaaruteqarnerlutik?**
 - i. **Suliniut tamanna qanoq akisutissanersoq Naalackersuisut naatsorsuutigaat?**
3. **Pineqartumut Naalackersuisut allanik paasissutissiisinaanerlutik?**

(Inatsisartunut ilaasortaq Anna Wangenheim, Demokraatit)

Tunngavilersuut

UKA 2022 siunnersuut 131-mik immikkoortumik normulerneqarsimasoq saqqummiussimasara ima atuarneqarsinnaavoq:

På EM 2022 fremsatte jeg forslag med punktnummer 131, der lød således:

” Maannakkut angajoqqaajunissamut piginnaasanik misissuisarnerni Kalaallit angajoqqaajusut kulturikkut oqaatsitigullu allaaqutit ilumut naammaginantumik isiginiarneqartarnersut aammalu angajoqqaatut piginnaasanik nalilersuisarnermut kulturikkut qanimut periutsinik ineriartortitsisoqarsinnaaneraniq periarfissaqarnersoq ersarissaasoqarnissaa anguniarlugu Naalackersuisut Rigsmyndighed attaveqarfīgissagaa pillugu Inatsisartut aalajangiiffīgissassaattut siunnersuut..”

Inatsisartut ataatsimoortoq tunngaviusumik isumannut ilaliisorujussuupput, taamaattorli Naalackersuisut

¹ "Kalaallinut ilaqutariinnut Danmarkimi najugalinnut ikiuiartortoqassasoq" - allaaserisaq Sermitsiaq.AG 26. november 2022 - <https://sermitsiaq.ag/kl/kalaallinut-ilaqutariinnut-danmarkimi-najugalinnut-ikiuiartortoqassasoq>



allannguutissatut siunnersuutaat ilalissallugu isumaqatigiissimavugut, imatut oqaasetaqartoq:

” Maannakkut angajoqqaatut piginnaasanik misissuisarnernut kalaallit tarnip pissusiinik ilisimasallit sulisullu isumaginninnerup tungaatigut suliatigut ilinniagallit Danmarkimi kalaallit illuinut atassutillit atornerisigut kulturikkut oqaatsitigullu naammaginartumik isiginiarneqarnerussanersut qulaajaaffiginissaa siunertaralugu Naalagaaffiup Oqartussaasuinut saaffiginnittoqarnissaanik Naalakkersuisut peqquneqarnissaat pillugu Inatsisartut aalajangiiffigisassaattut siunnersuut. Piaarnerpaamik kalaallit angajoqqaat misissorneqarnerinut kalaallit tarnip pissusiinik ilisimasallit sulisullu isumaginninnerup tungaatigut suliatigut ilinniagallit Danmarkimi kalaallit illuinut atassutillit atornerarnerat aallarteqqullugu Naalagaaffiup Oqartussaasui kajumissaarneqarput”.

Isumaqarpunga Naalakkersuisut suliassamut matumanut killiffissiornissaa pissusissamisuussasoq, ingammik taasinissaq sioqqullugu ataatsimiitsitaliami suliarineqarnerani isornartorsiuneq qaqqinneqarsimanngimmat. Maannalu kiisami Danmarkimi naalakkersuisooqatigiit pilersinneqarput, taamaattumillu Inatsisartut akuerinikuusaat piviusunngortinnissaanut Naalakkersuisut sullisitik ateriarlugit saaffiginnittariaqarput.

Apeqqutit ullut qulit suliffiusut iluanni akineqareersimanissaat kissaatigaara.